

元析五嶽之寬恩扣七箴而微福下通泉府  
 上禮天關句垂霽霽之恩為道深濛之謹伏  
 冀清都浩蕩轉无上之法輪玄極扶搖開太  
 虛之真路俯提飛爽俾復元靈五竅華敷洗  
 塵塵之翳累三田充滿灌劫劫之惡根經絡  
 重榮精神再復南丹度命即紀字於真編東  
 極疏恩疾移名於仙籍超凌三界遊宴十華  
 登道遙快樂之天證清靜无為之果結習俱  
 盡性識兼忘蒙天聽之昭昭荷宸恩之赫赫  
 齋主某天扶世澤神翼芳猷雀角鼠牙息風  
 波於公室龍鱗鳳翼依日月於昌朝一門無  
 屯否之憂九族膺泰順之慶更願圓清澄耀  
 方粹寧嘉日月輝華山林肅靜桑麻晚潤萃  
 和氣於八邇榆柳春開溢歡聲於四塞地薦  
 白麟之瑞天開亦鴈之祥詩書日開於中華  
 禮樂風行於外徵林無奸域野絕扶孤則上  
 明天尊大慈之化下副臣等皈命之誠謹啓  
 以聞

發願  
 存神燒香

香官使者左右龍虎君侍者諸靈官當令臣  
 向來臨午陞壇行道之所自然生金液丹碧  
 芝英百靈衆真交會在此香火爐前當令臣  
 學道得道求仙得仙齊主受福幽顯沾恩十  
 方仙童玉女侍衛香烟傳臣向來所啓之誠  
 速達徑御

太上无極大道至真玉皇上帝御前  
 出堂頌 下壇 回師

靈寶領教濟度金書卷之四十九

靈寶領教濟度金書卷之五十

洞微高士開光啟者真人蒙全真授  
 靈寶通玄以教水南先生林靈真編  
 科儀立成品類  
 九朝行道儀

第三日晚朝  
 各禮師存念如法  
 宣衛靈呪

玄陰七靈九炁合形 魂精魄英 二景回輪  
 飛光赫奕 煥耀長庚 日月吐輝 回合華英  
 大梵流布 奔飛炎鈴 魔王受事 朝謁帝京  
 含靈普濟 廣惠幽冥 玉文敷告 萬炁騰升  
 和與道合真

鳴法鼓二十四通  
 發爐

无上三天玄元始三炁太上道君召出臣等  
 身中三五功曹左右官使者侍者金童傳言  
 散花玉女五帝直符直日香官各三十二人  
 出出者嚴裝闕啓玄壇天帝神君當召此間  
 土地里域真官正神臣今晚朝陞壇行道朝

謁帝真奉為八拜其諸情悃具載誠願  
得

太上十方至真道炁靈寶妙光下降流入  
等身中令臣所啓之誠遠達徑御  
太上无極大道至真玉皇上帝御前

請稱法位

具位臣某與臨壇官衆等同誠上啓

虛无自然元始天尊无極大道太上道君太  
上老君高上玉皇十方已得道大聖衆至真  
諸君丈人三十二天帝君玉虛上帝玉帝大  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部專經玄中大法師上相上宰上傳太  
平下教二十四真人西城總真玉君太乙真  
人東嶽上卿司命茅君定錄保命二真人名

山洞府得道神仙三界官屬一切真靈臣聞  
三炁流精謁清微之妙韻百神混粹煥朱大  
之玄輝受生上闕於八門度死下飛於五戶  
北野朔鬱靈風鼓微妙之津西葉靈虛聖日  
煥希夷之岸始青出教大赤無科駐鸞木之

琅與萬真扶御會香林之瑤簞衆聖傾光弘  
敷靈寶之文是謂真玄之典臣等道山迷徑  
學海望洋身膺五福之鸞圖心佩三靈之鳳  
策師垣提耳慚無昂霄聳壑之資帝闕遊神  
莫遂枕石漱流之志嗟織鳥之按擲歎野馬  
之輪翻制地立功幸依光於洪陰臣天補過  
誓勵景於丹忱凡有飯依理宜開告况奉詞  
旨敢不上聞

宣詞

按如詞旨備切忱悃臣聞金錄敷羅開升天  
之慧徑王文宣告廓超地之靈霄龍符煥而  
百寶流華鳳戒宣而九真耀彩靈光返暢浮  
飛爽於幽寥袒烝周流導生神於陽混三洞  
之瓊篇演妙九幽之琅範宣玄與生俱生未  
度者度今齊主某傾心紫極稽首青冥提黑  
旌以高征幸承湛露駕朱龍而上邁允藉靈  
颺匪由浩蕩之恩曷沛濃瀼之祉爰依黃律  
恭啓玄壇雲歛霄輝流素金於萬宇星凝夜  
烝耀瑤玉於千林靈烟舞而華蓋張神燈朗  
而長庚吐天花散翠映羽葆以低回神簾流

珠擁霓旌而瞻壽三靈交會億聖森羅中疑  
混混之神輝旁聽琅琅之梵響駕班激越誠  
恪罄於九朝鳳詔輪困恩願終於八陛亟超  
舊爽快整新儀名列太玄敕制魔而保舉神  
朝三素椒靈童而送迎徑登元始之天永宴  
虛皇之境思沾幽顯化洽人天臣以今清夜陞  
壇行道請法衆等運茲初捨上香  
願此香烟騰空徑上供養

无上至真道寶大羅元始天尊金闕至真玉

皇上帝无上清微天宮真仙聖衆臣等皈身  
皈神皈命首體投地仰依

太上三尊願以是功德皈流社稷尊靈宗桃  
先聖伏願怡神風館御烝龜臺聖祚開祥蔭  
璇圖而地久神孫介壽衍瑤泓以天長  
皇帝政協虞謨化敷禹貢雲烝望蓬萊之頂

壽聳千齡天潢接崑崙之源福流千載覽德  
輝於鈞築觀治象於梯航德冠六官服雉拱  
椒房之懿孝彰三極鳴鶴侍鳳衣之朝熙亦  
懸於覆孟厚蒼生於真枕今故燒香自皈依  
師尊大聖衆至真之德得道之後保天長存

和與道合真

以今清夜陞壇行道請法衆等運茲二捻上香

願此香烟騰空徑上供養

无至上真經寶玉晨靈寶天尊紫微天皇大帝

帝禹餘天官真仙聖衆巨等皈身皈神皈命

首體投地仰依

太上三尊願以是功德皈流齋主家九玄七

祖故往靈儀伏願寬解悟業業清爽凝玄

妙珠照心花而一塵不立懸光明鏡廓性藥

而萬景俱融旋行玄紀之中高步妙綱之表

齋主其三元薦祉五福扶衰綠鬢朱顏耀昌

時之簪紒眉皓首傳奕世之衣冠華池湛

湛於玄泉天谷輝輝於丹液東儲紀字開方

丈之靈蹤南極刊名躋空同之仙軌今故燒

香自皈依

師尊大聖衆至真之德得道之後昇入無形

和與道合真

以今清夜陞壇行道請法衆等運茲三捻上

香

願此香烟騰空徑上供養

无至上真師寶五靈玄老天尊紫微北極大

帝救苦青玄大帝后土皇地祇大赤天宮無

邊聖衆巨等皈身皈神皈命首體投地仰依

太上三尊願以是功德皈流玄壇內外侍經

護法衛真滅魔達信通誠飛符傳檄監臨受

事一切靈聰並願未格登勳玄功證品侍宸

金闕膺紫策以輝華進秩玉京紀丹書而煥

映次願巨等同齋羽士列職壇負聖澤天涵

神威香育宥過無大毋書五帝之金科罪疑

惟輕免紀四司之玉律伴道心之開發庶德

性之圓通今故燒香自皈依

師尊大聖衆至真之德得道之後長享自然

和與道合真

禮方 懺悔 三啓

三禮

重稱法位

具位巨與臨壇官衆等謹同誠上啓

虛无自然元始天尊无極大道太上道君太

上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上官靈寶至真明皇道君三十六

部尊經玄中大法師上相上宰上保上傳太

平下教二十四真人西城總真王君太乙真

人東嶽上卿司命茅君定錄保命二真人名

山洞府得道神仙三界官屬一切真靈巨聞

獅座端凝儼黍珠之玉御虎關峻極羅鸞翠

之琅音紅雲隱藹以飛霄綠霧密蒙而耀景

金房感妙中凝丹谷之輝玉戶飛仙上躡玄

憲之步天人理契生死恩周惟混系以扶搖

可升神而浩蕩今齋主其仰慮亡故其稟性

之後賦命以前遂鹿心荒鎖迷雲於正路亡

羊志蕩昏慧月於邪途弗思懸鷲之藏珠罔

念抵鶻之棄玉陽精陰粹既搖落於春霜地

魄天魂即飄忽於朝露幽幽寒谷寂寂昏途

匪據丹悵之衷曷度玄黃之表綠章露奏通

羽悃於寥陽朱表風馳駘龍釐於鬱翔齋心

謝過扣首祈哀伏冀玉色流輝金容御景拔

出地戶救鬼官而送迎無拘天門召魔王而

保舉十華御輪而後從五靈導轅以前驅御  
籙膺圖飛金龍於童子佩符合券契玉虎於  
神王身遊紫闕之深面禮玄都之妙還真光  
於妙有混靈景於虛无烝聚為神侍衛三清  
之座形散為炁翱翔八極之津保天長存與  
道无極蒙鑒懇祈之切允昭提獎之真齋主  
共福慶雲與炎殃風散出扶宗社敦禮樂於  
九圍入御闈門衍詩書於六族圓九五其時  
之志願遂十三叢象之經營更願二極清寧  
三辰明耀山靈薦祉川后靜波四塞風清有  
歸馬牧牛之樂九垓日靜無號孤舞鱗之憂  
草木衣被於周仁鬼神優游於商德休徵時  
若萬象調玉燭之和嘉穀天成三農獲金穰  
之慶九幽開朗五道停閑則上明天尊大慈  
之化下副巨等皈命之誠謹啓以聞

### 發願

#### 存神燒香

香官使者左右龍虎君侍香諸靈官當令巨  
向來晚朝陞壇行道之所自然生金液丹碧  
芝英百靈衆真交會在此香火爐前當令巨

學道得道求仙得仙齊主受福幽顯沾恩十  
方仙童玉女侍衛香烟傳巨向來所啓之誠  
速達徑御

太上无極大道至真玉皇上帝御前

下堂頌

下壇

回師

靈寶領教濟度金書卷之五十

靈寶領教濟度金書卷之五十一五十二

洞微高士開光啟苦真人竊金具投

靈寶通玄弘教水南先生林靈真編

科儀立成品開度黃

宿啓儀

燒香頌

各禮師存念如法

東方

九炁青天明星大神煥照東鄉洞映九門  
轉燭陽光掃穢除氛開明童子號曰玄卿  
備衛我軒上對帝君收魔束妖討捕兇羣  
奉承正道赤書玉文九天符命攝龍驛傳  
普天安鎮我得飛仙和與道合真

南方

三炁丹天煥景流光燦星轉燭洞照太陽  
上有赤精合契虛皇開明童子號曰華芳  
總御火兵備守玉堂斬邪束妖剪截魔王  
北帝所承風火衝當流鈴交煥翊衛壇場  
正炁流行敢有猖狂我享上功坐運魁罡  
億劫長存保天無疆和與道合真